

寶顏堂訂正觴政

公安袁宏道中郎撰

雲間陳繼儒仲醇

校

樵李高承埏寓公

引

余飲不能一蕉葉每聞鑪聲輒踴躍遇酒客與
留連飲不竟夜不休非久相狎者不知余之無
酒腸也社中近饒飲徒而觴容不習大覺鹵莽



國家圖書館 NATIONAL CENTRAL LIBRARY, TAIWAN, R.O.C.

夫提衡糟丘而酒憲不修是亦令長之責也今採古科之簡正者附以新條名曰觴政凡爲飲客者各收一帙亦醉鄉之甲令也

一之吏

凡飲以一人爲明府主斟酌之宜酒懦爲曠官謂冷也酒猛爲苛政謂熱也以一人爲錄事以分坐人須擇有飲材者材有三謂善令知音太戶也

二之徒

酒徒之選十有二款于詞而不佞者柔于氣而不靡者無物爲令而不涉重者令行而四座踴躍飛動者聞令卽解不再問者善雅謔者持曲爵不分愬者當盃不議酒者飛筆騰觚而儀不愆者寧酣沉而不傾潑者分題能賦者不勝盃杓而長夜興勃勃者

三之容

飲喜宜節飲勞宜靜飲倦宜談飲禮法宜瀟洒
飲亂宜繩約飲新知宜閒雅真率飲雜糅客宜
逡巡却退

四之宜

凡醉有所宜醉花宜晝襲其光也醉雪宜夜消
其潔也醉得意宜唱導其和也醉將離宜擊鉢
壯其神也醉文人宜謹節奏章程畏其侮也醉
俊人宜加觥盃旗幟助其烈也醉樓宜暑資其

清也醉水宜秋泛其爽也一云醉月宜樓醉暑
宜舟醉山宜幽醉佳人宜微醺醉文人宜妙令
無苛酌醉豪客宜揮觥發浩歌醉知音宜吳兒
清喉檀板

五之遇

飲有五合有十乖涼月好風快雨時雪一合也
花開釀熟二合也偶余欲飲三合也小飲成狂
四合也初鬱後暢談機乍利五合也日炙風燥

一乖也神情索莫二乖也特地排當飲戶不稱
三乖也賓主牽率四乖也艸艸應付如恐不竟
五乖也強顏爲歡六乖也革履板摺謔言往復
七乖也刻期登臨濃陰惡雨八乖也飲場遠緩
追暮思歸九乖也客佳而有他期妓謹而有別
促酒醇而易炙美而冷十乖也

六之候

歡之候十有三得其時一也賓主久間二也酒

醇而主嚴三也非觥罍不謳四也不能令有恥
五也方飲不重膳六也不動筵七也錄事貌毅
而法峻八也明府不受請謁九也廢賣律十也
廢替律十一也不恃酒十二也歌兒酒奴解人
意十三也不歡之候十有六主人吝一也賓輕
主二也鋪陳雜而不叙三也室暗燈暈四也樂
澁而妓驕五也議朝除家政六也迭謔七也興
居紛紜八也附耳囁嚅九也蔑章程十也醉嘮

角正
四
糟十一也坐馳十二也平頭盜甕及偃蹇十三也客子奴囂不法十四也夜深迺席十五也狂花病葉十六也飲流以目睚者爲狂花目睡者爲病葉其他歡賞害馬例當叱出害馬者語言下俚面貌麤浮之類

七之戰

戶飲者角觥兒氣飲者角六博局戲趣飲者角譚鋒才飲者角詩賦樂府神飲者角盡累是曰酒戰經云百戰而勝不如不戰無累之謂也

八之祭

凡飲必祭所始禮也今祀宣父曰酒聖夫無量不及亂觴之祖也是爲飲宗四配曰阮嗣宗陶彭澤王無功邵堯夫十哲曰鄭文淵徐景山稽叔夜劉伯倫向子期阮仲容謝幼輿孟萬年周伯仁阮宣子而山巨源胡毋彥國畢茂世張季鷹何次道李元忠賀知章李太白以下祀兩廡

角正
至若儀狄杜康劉白墮焦革輩皆以醞法得名
無關飲徒姑祠之門垣以旌釀客亦猶校宮之
有土主梵宇之有伽藍也

九之典刑

曹叅蔣琬飲國者也陸賈陳遵飲達者也張師
亮寇平仲飲豪者也王元達何承裕飲儁者也
蔡中郎飲而文鄭康成飲而儒淳于髡飲而俳
廣野君飲而辯孔北海飲而肆醉顛法常禪飲

音也孔元張志和仙飲者也楊子雲管公明玄
飲者也白香山之飲適蘇子美之飲憤陳暄之
飲駭顏光祿之飲矜荆卿灌夫之飲怒信陵東
阿之飲悲諸公皆非飲派直以興寄所托一往
標譽觸類廣之皆歡場之宗工飲家之繩尺也
十之掌故

凡六經語孟所言飲式皆酒經也其下則汝陽
王甘露經酒譜王績酒經劉炫酒孝經貞元飲

畧竇子野酒譜朱翼中酒經李保績北山酒經
胡氏醉鄉小畧皇甫崧醉鄉日月侯白酒律諸
飲流所著記傳賦誦等爲內典蒙莊離騷史漢
南北史古今逸史世說顏氏家訓陶靖節李杜
白香山蘇玉局陸放翁諸集爲外典詩餘則柳
舍人辛稼軒等樂府則董解元王實甫馬東籬
高則誠等傳奇則水滸傳金瓶梅等爲逸典不
熟此典者保面甕腸非飲徒也

十一之刑書

色驕者墨色媚者劓伺頥氣者宮語含機頴者
械沉思如負者鬼薪梗令者決逋狂率出頭者
搔嬰罪人冠愆儀者共艾畢謹未闌乞去者非對
履皆罪人衣履罵坐三等青城旦春故沙門島浮托
酒狂以雪使爲高又驅其黨效尤者大辟

十二之品第

凡酒以色清味冽爲聖色如金而醇苦爲賢色
傷女

墨味酸醜者爲愚以糯釀醉人者爲君子以臘釀醉人者爲中人以巷醪燒酒醉人者爲小人

十三之杯杓

古玉及古窰器上犀瑪瑙次近代上好瓷又次黃白金叵羅下螺形銳底數曲者最下

十四之飲儲

下酒物色謂之飲儲一清品如鮮蛤糟蚶酒蟹之類二異品如熊白西施乳之類三贓品如羔

羊子鷺炙之類四果品如松子杏仁之類五品如鮮笋早韭之類

以上二款聊具色目下邑貧士安從辦此政使瓦盆蔬具亦何損其高致也

十五之飲飾

棊几明牕時花嘉木冬慕夏蔭繡裙藤席

十六之歡具

楸枰高低壺觥籌骰子古鼎崑山紙牌羯鼓冶

童女侍史鴈鴣沉茶具

以二侯渴之有

吳箋宋硯佳墨

侯

詩賦者

石公見酒琰輒醉乃欲以白衣領醉鄉乎夫彼
堅執銳非將不武而將將者不然留侯狀貌如
女子未可謂非萬人敵也石公曉暢飲畧深入
酒解謂丘伯業不得不與吾黨共推之甲辰閏
九月荷葉山樵識

